

**SPICILEGIUM IN
EPISTOLAM AD
HEBRAEAS
ACCEDUNT
PROPOSITIONES...**

Ramiro Bianchi



SPICILEGIUM
IN EPISTOLAM AD HEBRAEOS

ACCEDUNT

PROPOSITIONES AD EAMDEM EPISTOLAM

Q V A S

FACTA SINGVLIS POST PRIMVM ARGVENDI FACVLTATE

D. RAMIRVS BIANCHI
CREMONENSIS

Florentiae in S. Mariae Angelorum Monachus Camaldulensis

Et Graecarum Literarum, ac S. Th. Auditor

PUBLICAE DISPUTATIONI SVBICIT

FAVENTIAE AD DIVI HIPPOLYTI
IN DIETA MONACHORVM CAMALDVLENSIVM

AN. MDCC LXXXVIII. MENSE MAIO D. H.

PRAESIDENTE

FERDINANDO MINGARELLIO

S. Th. Lectore Camaldulensi emerito, & S. Ind. Congr. Conf.

ac Florentiae Graecarum Literarum, & S. Th. Praefectore Angelico.



FLORENTIAE

Ex Typographia MOVCKIANA. Praesidium facultate.

1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917

1917


1917

1917

1917

1917

1917



AENEAE . SILVIO . PICOLOMINEO

NATIONE . SENENSI

R. E. CARDINALI

PROVINCIAE . AEMILIAE

DE . LATERE . LEGATO

PIO . IVSTO . EVERGETEI

S E

SVAS . QVE . THEOLOGICAS . PROPOSITIONES

DICAT . CONSECRAT . QVE

D. RAMIRVS . BIANCHI

MONACHVS . CAMALDVLENSIS

DEVOTVS . NOMINI

MAIESTATI . QVE . EIVS:



THE
LIBRARY OF THE
UNIVERSITY OF
MICHIGAN
ANN ARBOR, MICH.
1912



SPICILEGIUM

IN EPISTOLAM AD HEBRAEOS.



Uoniam & plurimi, & doctissimi Viri de Epistola ad Hebraeos eruditissime pertractarunt; idcirco actum ageremus, si hac de re plena Commentaria edere statuissimus. Cum tamen minutiae quaedam nobis ob oculos venerint, aliaque nonnulla hac occasione sese nobis obtulerint; speravimus, fore, ut non omnes, ad quorum manus haec venerint, temperanti Spicilegio offenderentur. Huius itaque vulgandi consilium non respuimus. Quod si nonnulla ab aliis iam collecta attingere ausi sumus; ea suscepti instituti ratio, a nobis postulare visa est.

I. In primis ergo differere possemus de Auctore huius Epistolae, & de Lingua qua Auctor usus fuerit, deque auctoritate huius Scripturae. At cum uberrime iam a pluribus demonstratum fuerit, eam, & a Divo Paulo Apostolo, & Graece scriptam fuisse; propterea non est, cur aliquid rei huic addamus. At quia Clemens Alexandrinus, antiquissimus omnium, qui supersint, apud Eusebium (H.E. l. 6. c. 14.) enuntiavit huius Epistolae *χρῶτα εὐρίσκεισθαι κατὰ τὴν ἐρμηνείαν*

B

ταύ-

ταύτης τε Ἐπιστολῆς, καὶ τῶν Πράξεων, *curem*, ut verbum verbo reddam, *inveniri secundum eloquutionem*, ὅ *huius Epistolae*, ὅ *Athinum*; addiditque: οὐ προγεγράφει δὲ τὸ, Παῦλος Ἀπόστολος, *praescriptum non fuisse hoc: Paulus Apostolus*: & quia hae potissimum difficultates tum apud Veterum, tum apud Recentiorum nonnullos plurimum valuerunt; liceat aliqua de his dicere; etsi per ea, quae ab aliis adnotata sunt, hae difficultates plane sublatae censeari debeant.

Quo ad *curem* igitur notum est utique Origenem, cuius iudicium reformari non posse videtur, suis in Homiliis in Epistolam ad Hebraeos (teste Eusebio H. E. lib. 6. c. 25.) dixisse quidem: τὸν χαρακτήρα τῆς λέξεως τῆς πρὸς Ἑβραίους ἐπιστολῆς οὐκ ἔχειν τὸ ἐν λόγῳ ἰδιωτικὸν τοῦ Ἀποστόλου, ὁμολογῶσαντος αὐτὸν ἰδιώτην εἶναι τῷ λόγῳ, τούτῃστι τῇ φράσει· ἀλλὰ εἶναι τὴν ἐπιστολὴν συνθεσίς τῆς λέξεως ἑλληνικωτέρων, ὡς πᾶς ὁ ἐπιστάμενος κρίνειν φράσεων διαφορὰς ὁμολογῆσαι αὐτὸν. i. e. *dicendi formam in Epistola ad Hebraeos non praeferre imperitiam Pauli in sermone, qui seipsum confessus est (2. Cor. 11. 6.) imperitum sermone hoc est pbrasi: sed Epistolam Graecae distionis compositione paullo cultiorem esse; ut: omnis sciens discernere pbrasum differentias confessus fuerit*. At est etiam, ab eo additum (ibid.) τὰ νήματα τῆς ἐπιστολῆς θαυμάσια εἶναι καὶ οὐ δεύτερα τῶν ἀποστολικῶν ὁμολογουμένων γραμμμάτων, καὶ τοῦτο αὐτὸ συμφύσαι εἶναι ἀληθές πᾶς ὁ πρὸς τὴν τῇ ἀναγνώσει τῇ ἀποστολικῇ, i. e. *Epistolae sententias admirabiles esse, neque inferiores iis, quae Apostoli esse confitemur: istudque omnis, Apostolicae lectioni attendens, verum esse dederit*. Quapropter ibi Origenes in eam sententiam abiit, ut fere *asseruerit sententias quidem Apostoli esse; at dicendi rationem, compositionemque alterius, qui ex iisdem sententiis commentarium ediderit: ἐγὼ δὲ ἀποφαινόμενος εἶποιμι* αὐτὸν, ὅτι τὰ μὲν νήματα τοῦ Ἀποστόλου ἐστίν· ἡ δὲ φράσις, καὶ ἡ σύνθεσις ἀπονημονεύσαντός τινος τὰ ἀποστολικά: quamvis addat bene audire debere eam Ecclesiam, quae hanc Epistolam ut Pauli tradiderint. tinet, cum non temere Maiores eam, ut Pauli tradiderint.

Praeterea vero idem Origenes in Epistola ad Africanum (§. 9. edit. Maur.) supponit demonstrari posse, Epistolam ad

He-

Hebraeos a Paulo scriptam fuisse. Siquidem, cum ibi asseruisset vera quaedam apocryphis in Libris servata esse, id probat ex Epistola ad Hebraeos (cap. 11. 17.) ubi Paulus loquitur de iis, quae passi sunt olim Prophetæ, inter quae illud: *secti sunt*; quod iuxta traditionem refertur ad Esaiam; *Et hoc habetur in quodam apocrypho*. Huius porro demonstrationis vis ne ab aliquo minuatur, pergit Origenes: εἰκός τινα θλιβόμενον ἀπὸ τῆς εἰς ταῦτα ἐπιδείξεως, συγχρησασθαι τῷ βουλήματι τῶν ἀθετούντων τὴν ἐπιστολὴν, ὡς αὐτὸ Παύλου γεγραμμένην πρὸς ὃν ἄλλων λόγων κατ' ἰδίαν χρῆζομεν εἰς ἀπόδειξιν εἶναι τοῦ Παύλου τὴν ἐπιστολὴν. παραθήσομαι οὖν ἐπὶ τοῦ παρόντος ἀπὸ τοῦ εὐαγγελίου, κ. λ. idest: *verisimile est, aliquem ab hac demonstratione pressum, usurum esse* [ut scite admodum hoc vertisse mihi videtur D. de la Rue] *consilio eorum, qui hanc Epistolam reiiciunt seu a Paulo non scriptam: adversus quem aliis seorsim rationibus indigemus, ut Epistolam illam Pauli esse demonstremus. Adducam igitur in praesens ex Evangelio &c.* Perspicuum plane ex his esse arbitror, iudicasse Origenem demonstrari posse, Pauli esse Epistolam ad Hebraeos; licet id ipse ibi non fecerit; ne in longiores alias quaestiones abiret, cum rem propositam multo brevius conficere posset. Nisi enim demonstrari id posse vidisset Origenes, neque eo argumento, neque ea dicendi ratione usus fuisset.

Hicce igitur praesumptis videtur negari non posse texturam Epistolae ad Hebraeos a Paulo esse confectam; ac externam faciem ab elegantiori manu perpolitam fuisse. Verum non equidem video, cur acris ingenii homo, natus altusque Tarsi, ubi omnium disciplinarum studia non minus quam Athenis floruerunt (Strabo l. 14.), elaboratius aliquid promere non potuerit: praesertim cum hac etiam in Epistola proprius Pauli genius in omnium oculos incurrat; *Paulus enim hyperbatis frequenter utitur propter velocitatem sermonum suorum, Et propter impetum, qui in ipso est, spiritus*; ut observavit Irenaeus (l. 3. c. 7.) εἰς πάντων ἐν παρασκευῇ τῶν λόγων δυνατώτατος, νοήμασι τε ἰκανώτατος, *verborum apparatus, Et sententiarum pondere omnium Apostolorum praestans*.

stantissimus, ut adnotavit Eusebius (H. E. l. 3. c. 24.) sive, ut animadvertit Epiphanius (Haer. 64. n. 29.) est ὡς περ ἀκοντιστῆς δεινὸς διστραμμένα ῥήματα τῶν λόγων εἰς μίσην ἐμβάλων, ἀταφῆ μὲν καὶ ἐπιτεκαλυμμένην εἰς βάθος τῶν ἀναγνωσμάτων τὴν ἐξεργασίαν, ἀληθεστάτην δὲ, καὶ ὁρθόδοξον, καὶ μηδὲν ἔχουσαν ἀτημελῆμεν, ἢ δυσφίμον· τοῖς μὲν γὰρ μὴ μετὰ σπουδῆς, ἀλλ' ἄγε- νῶς ἐκπύπτουσι τοῖς λόγοις, ἀτυνάρτητα ἐπ' ὅτι δοκεῖ, καὶ ἀτίμη- φωνα λέγειν, τοῖς δ' αὖ σπουδαίως, καὶ λογισμῷ νήφοντι, ὅπως τὰς ἐμπέει καὶ ἀληθείας i. e. *velut peritissimus quidam iaculator contortas verborum sententias in medium emissens, ut obscuram profundissimisque sensibus occultatam orationem in- sistuit; sic verissimam, rectaeque fidei consentaneam, quae nihil, aut negligentius dictum, aut absurdum continet. Qui enim non studiose, sed oscitanter in illius sermones occurrunt, iis non numquam minus sibi consentanea, & cohaerentia dicere videntur: qui vero operam adhibent, & sobria, atque expervecta mente in illos incumbunt, ex ordine omnia ac rei veritate, pronuntiata iudicant. Quare cum haec omnia in oculos legentium Epistolam ad Hebraeos occurrant; certum videri debet ne ipsam quidem externam verborum faci- em a Pauli indole abesse posse.*

At si quis paullo fastidiosior Criticus, aliūve Graeci alicuius Scriptoris suspicionibus confusus, oculorum aciem in hanc Epistolam nunc iterum figens, alterius adhuc ibi videat dicendi venustatem, quam quae Pauli esse possit; tunc profecto non abnuam dicere, Paulum suas Epistolas dictare consuevisse; adeoque hic fortasse peritioris Amanuensis diligentia fieri potuisse, ut cultiori dicendi ratione Pauli oratio literis mandaretur. Sic enim (1. Cor. 16. 21., Colofs. 4. 13., 2. Thess. 3. 17.) una *salutatio manu Pauli* scripta est. Contra vero Philemoni inquit v. 19. *Ego Paulus scripsi mea manu*. Epistola vero ad Romanos scripta est a *Tertio*, qui (cap. 16. 22.) Pauli verbis addidit: *Saluto vos ego Tertius, qui scripsi Epistolam in Domino*. Atque hic *Tertius*, quod esse possit eadem nominis significatio, a Ligfooto, (Chorograph. p. 123.) censetur *Silas* ille, qui Act. 15. 23. scripsisse vide- tur Epistolam Synodicam Concilii Apostolici Ierosolymita-
ni

(V.) 20

ni ad Antiochenos, quique a Paulo (ibid. v. 10.) comes electus est. Rursumque hic *Silas*, diversa eiusdem nominis modificatione censetur *Silvanus* ille, comes Pauli, de quo ipse mentionem facit ad Corinthios scribens (2. 1. 19.) & initio utriusque Epistolae ad Thessalonicenses; quique scripsisse videtur Priorem Petri Epistolam (1. Petr. 5. 12.) : ita ut *Silas* iste ab aliquibus diceretur *Silvanus* : quemadmodum *Lucas*, dictus est *Lucanus*, apud Mabillonium (It. Ital. p. 111.) in duobus Evangeliorum Codicibus Bobiensi uno, Neapolitano Carbonariensi altero; & apud Millium (in 1. Thesal. 1. 1.) in vetustissimo Evangeliorum Codice Cottoniano.

Verum quidem est, Hieronymum tum in explicatione nominum Hebraicorum, tum Ep. 143. ad Damasum, *Silam* interpretari *Apostolum*, seu *missum*, & eiusdem sententia viriose *Silvanum* legi pro *Sila*; cum *Silvanum* in Apostolorum Actis non legamus. At revera *Silas* longius distat a radice מִסֵּר *Misir*, quam a radice שָׁרָר *Tzer*, ut peritiorum. Sed quid inde? num Ligtfooti coniectura praeferranda? Si Epistola ad Romanos Latine scripta fuisset; haec utique coniectura pluribus placere posset. Sed Paulum Romanis Latine scripsisse; haec porro sententia, suo cum Auctore interit. Itaque cum Graece Τέρτιος, non sit Syriacum *Silas*, vel Latinum *Tertius*; quemadmodum Graece Πέτρος, vel Πέτρα Syriacis est *Cephas*, & Latinis *Petra*; plerisque propterea minus vero similis videbitur Ligtfooti coniectura. Nam, etsi dicere possim, *Silam* cum Paulo Romanam prius venisse, quippe quem Romani noscent, eumque a Romanis vocari potuisse *Tertium* iuxta vim sui nominis; adeoque ipsum, se Graece etiam scripsisse Τέρτιον, ut a Romanis agnosceretur quis esset, qui eos salutabat: vereor tamen ne omnes lubenter amplexuri sint coniecturas coniecturis superstructas; iique praesertim, qui ab Erasmo in editione prima N. T. & ab Aldo iuxta Theoduli Commentarium observarint editum *Terentium* pro *Tertio*. Sed haec obiter dicta sint. Etenim meam ad rem sufficit demonstrasse, Apostolos Amanuensibus uti consuevisse; eosque non fuisse servum pecus: sed Comites, & Commiistros, quibus in-

inesse posset libertas cultioris aliquando dicendi rationis adhibendae, quemadmodum & voculae addendae, quin aliquid sententiae deperiret.

Quod vero Epistolae ad Hebraeos praescriptum non sit PAULVS APOSTOLVS, ut in reliquis exigui sane momenti ratio est. Nam ut scite, lepideque aiebat Primasius: *Si propterea Pauli non erit, quia eius non habet nomen, nec alicuius est, quia nullius nomine titulatur. Quod si absurdum est; ipsius magis credenda est, quae tanto doctrinae suae fulget eloquio* (Praef. in Ep. Pauli.) Verumtamen quia in hominum genere maxima pars nullius momenti rationibus commovetur: ita Christianos inter plurimi esse debuerunt, apud quos ea ratio valeret; cum a Patribus plures excoGITATAE sint rationes sufficientes, ex quibus intelligeretur, cur Paulus exorsus non sit hanc Epistolam reliquarum more. Si quam tamen adhuc addere rationem sufficientem operae praerium elset, dicerem & ego, Epistolam ad Hebraeos plane diversae rationis esse, ac sint reliquae Pauli Epistolae. Hae siquidem ab eo scriptae sunt, ut doceret ea, quae sibi a Christo revelata fuerant; quaeque Ecclesiae regimen respiciebant. At vero Epistola ad Hebraeos Dissertatio potius est de Christi Divinitate, deque ceteris eius muneribus ex Veteri Testamento deducta ad confirmandos fideles ex circumcisione, quibus aliqua dubitatio de suscepta fide suborta elset; eosque deterrendos, qui eandem iam deseruissent. Zelo itaque, ac fervore fidei incensus Paulus, neglectis reliquis omnibus statim incipit ab Incarnatione, & Divinitate Iesu Christi; non secus ac Ioannes Evangelista suum Evangelii Librum exorsus fuerit.

Quamquam si ipsum Pauli exemplar, ad Hebraeos transmissum adhuc extaret, censerem equidem nos oculis nostris visuros certam notam, ex qua dignosceremus scripturam hanc Pauli esse. Quandoquidem, ut antea dicebamus, *salutatio manu Pauli* scripta erat in eius Epistolis: videremus autem notam hanc ne huic Scripturae quidem defuisse. Etenim inquit Paulus (2. Thes. 3. 17.) *Salutatio mea manu Pauli; quod est signum in omni Epistola, ita scribo:*
Gra-

(VII.)

Gratia Domini nostri Iesu Christi cum omnibus vobis. Amen. Nota ergo, quae Pauli scripturam demonstrabat, erat clausula ista. *Gratia D. N. I. Cb. cum omnibus vobis. Amen*, Pauli manu scripta: At haec verba non absunt ab Epistola ad Hebraeos, ut neque a reliquis: igitur in hac etiam Epistola, si illud exemplum videre possemus, eandem clausulam Pauli manu scriptam videremus.

Profecto quisquis attentius rem istam consideraverit; fatebitur, arbitror, huic argumento maximum pondus inesse: immo eo uñdo fortasse rem confici posse. Dicere quis quidem poterit, eadem formula concludi & Priorem Petri Epistolam. At unus Vulgatus Interpres ibi habet *Gratia*, cum omnes Graeci Codices observante Millio habeant, *εἰρήνη, Pax*. Quamquam cum ea Petri formula Pauli formulae dignoscatur affinis: quin cum & aliae quaedam ibidem adhibitae sint iuxta Pauli morem; idcirco observo eam Petri Epistolam scriptam fuisse per Silvanum, de quo antea diximus: Quare earum formularum usum ipsi tribuerem Silvano, qui Petro consentiente eas addiderit; cum Petrus in altera Epistola easdem omiserit.

Atque haec de his sufficiant. Utique Anonymus quidam apud Oecumenium testatur, aliquibus visum fuisse hanc Epistolam non esse Pauli, etiam quia (cap. 1. v. 3.) de Evangelica Doctrina dicat: *ab iis, qui audierunt; in nos confirmata est*. Sed ne umbram quidem hic ego videre possum; persuasum est enim mihi, illud in nos scriptum non fuisse a Paulo de seipso, sed de omnibus iis, qui ad Christum venerant, cum addat v. 4. *Conestante Deo signis, & portentis, & variis virtutibus, & Spiritus Sancti distributionibus*.

II. Sermonem initio statim instituens Paulus de Filio Dei, in quo Deus tandem nobis locutus est, de eo inquit (1. 3.) *ὅς ἐν ἀπαύρασμα τῆς δόξης, καὶ χαρακτὴρ ὑποστάσεως αὐτοῦ, καὶ ἡ* i. e. ut vertit Vulgatus Interpres: *Qui cum sit splendor gloriae, & figura substantiae eius &c.* Luculentissimus sane locus ad fugandas omnino errorum tenebras, quas prisci novique Haeretici offundere conati sunt sive *Consubstantialis* Divini Verbi cum Patre; sive eius *Incarnationi*. Verumtamen

Ariani, & Sociniani, qui ab hac Scriptura admodum torquentur, eius vim enervare conantur, & de vera *Hypostaseos* notione litem indicentes, nitantur dubia obtrudere, ut quod certum est suas vires non exerat. De *Hypostasei* ergo quaedam attingenda; tumque ad id, quod certum esse debet, deveniendum. De ea pluribus egit Petavius (de Trin. lib. IV.) rectissimeque observavit Concilium Nicaenum I. in expositione Fidei voce *Hypostaseos* usum esse pro *usia*, *substantia*, vel *essentia*, dum inquit: τοῦ δὲ λέγοντος ἦν ποτὲ ὅτε οὐκ ἦν, καὶ πρὶν γεννηθῆναι οὐκ ἦν, καὶ ὅτι ἐξ οὐκ ὄντων ἐγένετο, ἢ ἐξ ἑτέρας ὑποστάσεως, ἢ οὐσίας, τούτους ἀναθεματίζει ἡ καθολικὴ, καὶ ἀποστολικὴ ἐκκλησία i. e. eos autem qui dicunt, erat aliquando quando non erat; & , antequam nasceretur, non erat; & , quia ex nullis substantiis factus est, aut ex alia substantia, & essentia, hos anathematizat Catholica, & Apostolica Ecclesia.

Magnus quidem Basilus (Ep. 78. & alibi) scripsit, Concilium Nicaenum vocibus *Hypostaseos*, & *usias* rem eandem non intellexisse, hanc afferens rationem: εἰ γὰρ μίαν ἢ τὴν αὐτὴν ἰδέσθαι ἔνοιαν αἱ φωναί, τίς χρεῖα ἦν ἐκατέρῃ; i. e. Si enim unam, & eandem notionem manifestant voces, quis usus erat utriusque?

Verum sapientissimo eo consilio Nicaeni Patres *Hypostasim*, & *Uasian* eodem sensu posuerunt; sicut & praecedentibus formulis usi sunt, ut damnarent ea omnia, quae Arius cum suis scripserat Alexandro Alexandrino Episcopo. [Extat ea Epistola apud Athanasium de Synodis Maur. Edit. T. I. P. 2. p. 730. apud Epiphanium Haer. 69. n. 7. apud Hilarium lib. 4. & 6. de Trin., atque alibi ut Maurini adnotant.] Ibi ergo inquirunt Ariani: οἶδαμεν ἓνα Θεοῦ, μόνον ἀγέννητον γενήσαντα. Τῶν μονογενῆ πρὸ χρόνων αἰώνιον γενήσαντα δὲ, οὐ δοκῶσι, ἀλλὰ ἀληθεία ὑποστήσαντα ἰδίῳ θελήματι ἄτρεπτον καὶ ἀαλλοίωτον κτίσμα τοῦ Θεοῦ τέλειον, ἀλλ' οὐχ ὡς ἐν κτισμάτων γένημα; ἀλλ' οὐχ ὡς ἐν τῶν γεγεννημένων οὐδὲ τὸν ὄντα πρότερον, ὕστερον γενεθέντα; ἢ ἐκκτισθέντα εἰς υἱὸν ἀλλ', ὡς φαμέν, θελήματι τοῦ Θεοῦ πρὸ χρόνων, καὶ πρὸ αἰώνων κτισθέντα, καὶ τὸ ζῆν, καὶ τὸ εἶναι παρὰ τοῦ Πατρὸς εἰληφότα, καὶ τὰς δόξας

(IX.)

ἔας συνυποστήσαντος Αὐτῷ τοῦ Πατρὸς • οὐ γὰρ ὁ Πατὴρ δούς Αὐτῷ πάντων τὴν κληρονομίαν ἐξέμενεν ἑαυτὸν, ὡς ἀγενήτως ἔχει ἐν ἑαυτῷ • πηγὴ γὰρ ἑστὶ πάντων • ὡς τε τρεῖς εἰσιν ὑποστάσεις. (Sic Athanasius, addente Epiphanio, Πατὴρ, Τίος, καὶ Ἀγίον Πνεῦμα.) i. e. *vertentibus Maurinis. Agnoscimus unum Deum solum ingenitum ... qui Filium unigenitum ante tempora aeterna genuit genuit autem non sola specie tenuis, sed revera propria voluntate subsistere fecit, eumque immutabilem, inalterabilem, creaturam Dei perfectam, sed non ut aliquam ex creaturis: genitum, sed non ut aliquod ex genitis neque vero eiusmodi est, ut is qui prius fuerat, postea genitus sit, aut in Filium conditus sed, ut dicimus, voluntate Dei ante tempora, & ante secula creatum, qui ut viveret, & esset, a Patre accepit, adeo ut ei Pater suam gloriam in creatione contulerit: neque enim Pater cum omnium possessionem Ipsi tradidit, iis seipsum privavit, quae ingenito modo in se continet; fons enim est omnium: Quapropter tres sunt substantiae (atque addentibus Epiphanio, & Hilario Pater, Filius, & Spiritus Sanctus.) In hoc porro Ariano textu non solum ΤΟ' ΕΙ'ΝΑΙ habemus; sed etiam ΠΡΟΪΣΤΗΨΑΝΤΑ, de substantia, utique ab Ariani dictum; quippe qui certe numquam senserint Filium a Patre Personae tantummodo distinctum; substantia autem unum, & idem: cum immo hoc expresse ibi etiam negarint dicentes: οὐδὲ ἅμα τῷ Πατρὶ τὸ εἶναι ἔχει, nec habet simul esse cum Patre. Quamobrem Nicaena Fidei expositio & hypostasin, & usiam pro eodem posuit, ut utraque Ariana dicendi ratione eorum errorem proscriberet: quemadmodum, & praecedentibus dicendi rationibus a reliquis Ariatorum formulis haereseos labem absterfit, quae in eadem leguntur Epistola, aliisve Arianorum scriptis.*

Afferre possem hanc in rem & verba: ὡς τε τρεῖς εἰσιν ὑποστάσεις, sed nisi prius quaedam observem, satis dilucida oratio esse non potest. Nimirum, ut dixi, Hilarius haec vertit: *Quamobrem tres sunt substantiae, Pater, Filius, & Spiritus Sanctus*; quia scilicet ipse, non secus atque Epiphanius incidit in exemplar Epistolae Arij, in quo postrema haec

verba reperiebantur . At censerem equidem verba illa : *Pa-
ter , Filius , & Spiritus Sanctus* ab Ariano Autographo ab-
fuisse ; tum quia apud Athanasium , ea non reperiuntur ;
tum vero etiam quia nulla alia *Spiritus Sancti* mentio
fiat , aut eadem in Epistola , aut in Litteris eiusdem Arii
ad Eusebium Nicomediensem , quas (ibidem num. V.) edidit
Epiphanius ; aut in Epistola Alexandri Episcopi Alexandrini
ad Episcopos Catholicos , qua illos monet de erroribus A-
rianorum (Opp. Athanas. T. I. P. I. pag. 397.)

Si igitur verba illa , quae Epiphanius , & Hilarius
prae Athanasio habent , sint cuiuspiam notula marginalis ,
quae postea in textum admissa fuerit ; tum ego verba ista ,
ὡς τε τρεῖς εἰσιν ὑποστάσεις , vertenda censerem secundum hanc
vim : *quasi tres sint substantiae* . Clarissimi ipsi Editores de
versione sua hic nonnihil dubitasse mihi videntur , dum ei-
dem in margine adscribunt ; sic Hilarius : cumque non in-
vestigassent , quænam esse possent *tria illa* , quae per A-
rianos *tres non sunt substantiae* , Hilarii versione usi sunt ,
qui rectissime vertit iuxta suum exemplar . At ego autem
verba ista : *quasi tres sint substantiae* ab Ario referri
ad praecedentia , scilicet ad *Patrem , & Filium* , καὶ τὰς
δόξας , ὡς συνυπέστηεν αὐτῷ ὁ Πατήρ , & *glorias quas* [ut
aliqua ratione vim textus innuam , quod non facit superius
allata versio , & aegre fieri potest] *consubstare fecit* *Ipsi Pa-
ter* : Vel , siquem lubeat magis , fortasse referri poterunt
ad *Patrem , & Filium , & ad eum qui prius fuisse dici pos-
sit , ac postea sit genus , aut superconditus in Filium* .

Hiscæ ita declaratis dicam nunc & τρεῖς ὑποστάσεις , *tres hy-
pothaseis Arii , substantias esse* . Etenim vel Arii textus est
quem protulit Epiphanius ; vel quem Athanasius : sed uter-
libet fuerit Arii textus , τρεῖς ὑποστάσεις , *tres hypothaseis*
trium substantiarum notionem habent ; igitur & in Nicae-
na Fidei expositione vox *hypothaseos* substantiae notionem
habet ; quemadmodum apud Arianos , contra quos est ea
Fidei expositio . Etenim si Arii textus , est quem protulit
Epiphanius ; ibi Arius inquit , *Patrem , Filium , & Spi-
ritum Sanctum tres esse substantias , cum consubstantialitatem*
pla-

plane repudiaret , ut notum est. At si Arianorum textus est quem nobis servavit Athanasius , Arius adhuc *tres hypostaseis* , dicens , *tres substantias* intelligit ; quippe qui ibi doceat , *Patrem fecisse , ut gloria , quam Filio dedit , eidem consubisteret ; cum datus Filio omnium haereditatem* [in quo sitam facit eam gloriam] *seipsum non privaverit*. Neque ergo admittit communionem eiusdem gloriae Patrem inter & Filium ; neque Filio datam gloriam veluti rem aliam ab ipso Filio alserit . Tandem si Arius *tres hypostaseis* dixisset de *Patre* , & *Filio* , deque ea re , quam fuisse Filium , ante quam conderetur , videretur quis sibi fingere posse , perspicuum est vel tum *hypostasim essentiae* notionem per Arium subiectam habere .

Brevissime etiam attingam Arium & in subsequen-
tibus de Filio addidisse : *μόνος ὑπὸ μόνου τοῦ Πατρὸς ὑπῆσθη* : *Solus a solo Patre productus est* : ut lucidissime appareat ὑφιστά-
ται ab Arianis de *essentia* dictum : adeoque Nicaenos Patres *hypostasei usiam* , vel *substantiam* intellexisse .

At quamvis hac de re dubitandum amplius non sit : fatendum tamen est postea a subsequentibus Conciliis *hypostasim* non iam pro *essentia* , *abstracte* ut inquirunt , intellecta , *sed in concreto* usurpatam fuisse , quatenus nempe *essentia* est Pater qui generat ; Filius qui gignitur ; & Spiritus Sanctus qui spiratus est . Excipienda tamen Concilia Sardicense , & Romanum sub Damaso , quae Nicaenam notionem secuta sunt . Similiter , & ex Patribus , sive ii sint Ante-Nicaeni , sive Post Nicaeni , *hypostasim* alii quidem adhibuerunt pro *essentia in abstracto* , *in concreto* alii , quemadmodum ex iis , quae fuisse attulit Petavius , & ex innumeris aliis , quae afferri possent , uberrime demonstratur .

Quamobrem nil mirum si Ecclesiasticos inter Scriptores alii *unam Dei hypostasim* dixerint ; alii vero *tres in Deo hypostaseis asseruerint* . Immo accidit , ut idem Auctor modo *unam* dixerit *hypostasim* , modo *Tres* ; hoc est nunc usurparit *hypostasim* , pro *essentia in abstracto* ; nunc *in concreto* . Atque istud quidem cum de Gregorio Nazianzeno constat ex Petavio ; tum de Divo Athanasio praesertim , a Mau-

rinis observatum est in Praefatione ad eius Opera (de Doctrina Athanasii num. V. pag. xviii.), ex quo colligitur, Petavium in omnia Athanasii loca de *hypostasei* non incidisse, dum statuit (de Trin. lib. IV. c. I. n. 7.) eundem tantummodo pro *essentia*, *hypostaseos* vocem adhibuisse; neque in mentem revocavit, Athanasii praesertim opera Antiochenum schisma compositum fuisse, & constitutum in Alexandrina Synodo, ut Antiochenorum unusquisque vel *unam* diceret *hypostasim*, vel *Tres*; dummodo quis alterutrum Catholice & sentiret, & diceret; cum revera alterutrum suo sensu dici possit, quin ulla in Ecclesiae Doctrinam contradictio aut repugnantia invehatur.

Hicce brevissime indicatis ad rem nostram veniamus, eam arctissime concludendo. Dicimus ergo propositum Pauli locum omnino esse de Christi Divinitate, & Consubstantialitate cum Patre; siue *hypostaseos* nomine intelligatur *substantia*, siue *Persona subsistens*. Si enim *hypostasim* sumamus pro *essentia*; quia Dei Filius est *καρὰ τὴν ὑπόστασιν τοῦ ΘΕΟΥ*, *Figura substantiae DEI Patris*, propterea est etiam *alia Persona*, quae habet ipsam eandemque Patris *Essentiam*. Hic enim *Character* fingi non potest stupida *Figura*, cum sit Filius; sed oportet eum agnoscere Personam subsistentem; *Filius* enim esse non potest, nisi *Persona subsistens*. Sed *Character* iste, siue hic *Filius* est *Character substantiae DEI Patris*: igitur *substantia* Filii Dei est ipsa Patris substantia.

Quod si *hypostaseos* nomine intelligatur *Persona subsistens*, adhuc Paulus eandem rem monstrat. Siquidem *Persona generans* distingui non potest a *Natura*, & *Essentia* Patris; cum *Persona* Patris aliud esse non possit, quam *Natura Divina*, quatenus connotat Patrem generantem: Igitur *Divinae Essentiae*, quatenus connotat Patrem generantem, *Character* est *Filius Dei*. Sed esse *Characterem Divinae Essentiae*, quatenus est Pater generans, est esse *Filium Dei* in una eademque Patris *Essentia*. Semper ergo *duae Personae, una Essentia*.

Errant itaque Ariani, & Sociniani admodum, dum

rationem Patris in Deo veluti rem *ad extra* considerant . Animadvertant ergo vocem *hypostaseos* ad extrinsecam huiusmodi relationem ianuendam adhiberi non posse : ac tandem fateantur solo instinctu Divinitatis factum esse , ut Paulus ea dicendi ratione uteretur , ex qua semper innoscit & Filii Divinitas , & eius cum Patre Consubstantialitas .

Ex his porro , ne & istud praeteream , perspicue intelligitur , quam aut impudenter , aut inseite Heterodoxi Critici carpere audeant Vulgatum Interpretem , quod *hypostasin* , *substantiam* verterit , multisque erroribus ianuam aperuerit . Miror ego potius , cur Latini Patres , non secus atque Graeci *substantiae* vocabulum non retinuerint , tum ad significandam *essentiam in abstracto* ; tum *in concreto* , quatenus nempe est Pater generans ; Filius qui gignitur ; & Spiritus Sanctus qui spiratus est , cum Vulgatus Interpres *hypostasin* , prorsus aequivalenti *substantiae* vocabulo verterit . Si enim & Latinorum Patrum alius dixisset *unam essentiam* , & *tres substantias* : alius vero *unam substantiam* , & *tres Personas* ; ita sane , & vocabula , & notiones Latinorum Patrum Graecis responderent , & minora essent dictionum discrimina : tumque pro *consubstantiali* , *coessentiali* Filium Patri diceremus . Clarissimus quidem Bertius (lib. IX. c. 6.) supponit Latinis uluvenisse , ut *subsistentiae* vocabulum in utraque *hypostaseos* significatione usurparent ; atque hanc in rem affert Agathonem Romanum Pontificem , quasi (A. A. Synod. VI.) diserte definierit : *trium Subsistentiarum unam Subsistentiam* . At re vera (T. m. 7. Concil. p. 710.) Graece legitur : τριῶν ὑποστάσεων μίαν οὐσίαν , Latine autem : *trium subsistentiarum unam substantiam* . Et (ibid. col. 1189.) ex Codice Collegii Parisiensis S. I. quem edidit Harduinus (Tom. 3.) legitur : *trium Hypostaseon , unam Essentiam* . Quamobrem unde ea verba Vir. Cl. sumperit incompertum est mihi . Contra vero Drusus (inter Crit. Sacr.) scribit Tertullianum de Deo *tres substantias* dixisse . Sed neque hoc apud Tertullianum vidi , vel ab aliis allatum ; nisi a Clerico inepta illatione deductum (Hist. Eccl. an. 186.) . Non video tamen , cur priscis temporibus

sub-

substantiae notione usu nondum definita Tertullianus id , Catholice sentiendo , innuere non potuerit ; licet alibi unam Dei substantiam agnoscat . Siquidem , & Augustini aevo a loquendi consuetudine , nondum plane definitum fuisse videtur , ut *substantia* , *essentiam* tantummodo significaret . Etsi enim (lib. 5. de Tr. c. 9.) inquit : *quia nostra loquendi consuetudo iam obtrivuit , ut hoc intelligatur , cum dicimus Essentiam , quod intelligitur , cum dicimus Substantiam ; non audemus dicere : unam essentiam , tres Substantias : Postea tamen (lib. 7. c. 5.) ait : Forsassis igitur commodius dicuntur tres Personae , quam tres substantiae .* Quamobrem laudandus magis est , quam culpandus Vulgatus Interpres , si ad vertendam *hypostasim* , *Substantiae* vocabulum procudit ; neque eidem vitio vertendum , ut facere audet Iacobus Capellius , siqui vetustiorum Patrum *substantiae* vocabulum usurparunt diversa ratione , ac postea usu receptum sit : aut si sero demum *Substantiae* nomen ad essentiae notionem determinatum fuerit .

III. Caput hoc primum concludit Apostolus de Angelis inquiens : οὐχὶ πάντες εἰσὶ λειτουργικὰ πνεύματα , εἰς διακονίαν ἀποστελλόμενα διὰ τοῦ μέλλοντος κληρονομεῖν σωτηρίαν ; Nonne omnes sunt administratorii spiritus in ministerium missi , propter eos , qui haereditatem capiunt salutis ? ut habet Vulgata Versio . Huius porro Scripturae vi cogimur ad eorum sententiam adhaerescere , qui censent ex quovis Coelestium Spirituum Ordine Angelos a Deo mitti in ministerium . Siquidem Apostolus hoc in Capite demonstrandam suscepit Christi Divinitatem ex eiusdem excellentia prae Angelis . Cum itaque ostendisset Christo Filii honores , & iura deberi ; de Angelis contra inquit , eos omnes administratorios spiritus esse . At siqui Coelestium Spirituum Ordines non mitterentur in ministerium Pauli argumentum vim nullam haberet , ut quisque novit : Ex quovis igitur Ordine aliqui mitti in Ministerium dicendi sunt . Atque haec de his attingisse sufficiat , de quibus tam multi iamdiu pertractarunt .

IV. Pergit vero Apostolus (cap. 3.) & ex discrimine Angelorum a Filio Dei infert multo magis stabilia fore , quae a Christo dicta sunt , quam quae sub Veteri Foedere per An-

卷之十五 (XV.)

Angelos dicta fuerint, inquiens: διὰ τοῦτο θεῷ περισσοτέρως ἡμᾶς προσέχειν τοῖς ἀκουσθεῖσι μὴ ποτε παραρῖνωμεν. Εἰ γὰρ ὁ δι' Ἀγγέλων λαληθεὶς λόγος ἐγένετο βίβλιος, καὶ πάντα παράβασις ἢ παρακοὴ ἔλαβεν ἔνδικον μισθαποδοσίαν. Πῶς ἡμεῖς ἐκφρευζόμεθα τηλικαύτης ἀμελήσαντες σωτηρίας; ἢ τις ἀρχὴν λαβοῦσα λαλεῖσθαι διὰ τοῦ Κυρίου, ὑπὸ τῶν ἀκουσάτων εἰς ἡμᾶς ἰσθαιώσῃ, i. e. iuxta Vulgatum Interpretem: Propterea abundantius oportet observare nos ea, quae audivimus; ne forte pereffluamus. Si enim, qui per Angelos dictus est, sermo factus est firmus, & omnis praevaricatio, & inobedientia accepit iustam mercedis retributionem: Quomodo nos effugiemus, si tantam neglexerimus salutem? quae, cum initium accepisset enarrari per Dominum, ab eis qui audierunt, in nos confirmata est. Ex hoc itaque Apostoli ratiocinio illud recte deducitur, sub Veteri Foedere reipsa per meros Angelos ea peracta fuisse, quae in Sacris Bibliis per eosdem gesta leguntur; licet quaedam voces, aut circumstantiae Divinam Personam innuere quibusdam visae sint.

Illationem hanc ut declinet Altingius (Commen. in Ep. ad Hebr.) scribit *Angelorum* nomine hoc in loco designari *Prophetas*, a Paulo (supra c. 12. v. 1.) commemoratos; cum iidem pluries in sacris eloquiis eo nomine denotentur: ac propterea omnia quae dicuntur capite primo post vericulum primum ad *Parentes* pertinere.

At quam multa ad *Parentes* referenda! Deinde: nonne initium capitis secundi est consequentia ex praecedentibus? Ex praecedentibus quidem, dicit iterum Altingius: sed ex initio Capitis, non ex reliquis. Verum inquit nos: quomodo *Deus novissime diebus istis loquutus est nobis in Filio*, si & *olim Patribus* in Filio pariter loquutus fuerat? Fatendum itaque ex hoc Pauli textu cognosci, *Dei Filium* sensibili specie indutum ante *Incarnationem Patribus* nunquam apparuisse.

Quod, quamquam generatim ex his, quae diximus, demonstratur: peculiariter tamen de tribus iis Angelis, qui Abrahæ apparuerunt ad quercum Mambræ (Gen. 18.) deque duobus Angelis à Lot hospitio receptis (Gen. 19.) petu-

liariter inquam confirmatur ex eadem hac Epistola (cap. 13.) Paulus enim hospitalitatem ibi commendaturus inquit : τῆς φιλοξενίας μὴ ἐπιλανθάνεσθε , διὰ ταύτης γὰρ ἔλαβόν τινες ξενίσαντες Ἀγγέλους , i. e. ex Versione quae Vulgata nunc dicitur : *hospitalitatem nolite oblivisci ; per hanc enim latuerunt quidam Angelis hospitio receptis* . Hic certe Apostolus respicit citata Geneseos loca . Ad hospitalitatis igitur commendationem Paulus utitur argumento ex Angelorum hospitio . Si ergo Abraham , aut Lot ipsum Dei Filium hospitio receperunt ; multo magis hinc hospitalitatem commendasset .

Inquiet hic fortasse aliquis , cum in Vulgata Versione legatur : *per hanc enim quidam latuerunt Angelis hospitio receptis* ; ideo haec referri quidem posse ad Lot , sed non ad Abraham : ad hunc igitur ipse Dei Filius virili specie , cum duobus Angelis venit .

Advertat porro , si cui haec in mentem veniant , Biblia Sixtina , & Versiones quasdam Bibliorum , quae ea praecedunt , hic legere : *per hanc enim quidam placuerunt* ; hoc est magis exposuisse locum , quam vertisse ; & ad Abraham quoque respexisse . Cum itaque Biblia Clementina , nunc Vulgata pro *placuerunt* reposuere *latuerunt* , ad litteram Graeci textus adhaerescere voluerunt . In Bibliis ergo Clementinis hic locus , unis est ex innumeris , quae absque Textus notitia plane comprehendendi non possunt : quamobrem Graecum ad Textum exigendus est . At elegantissima Graeca phrasis ἔλαβόν τινες ξενίσαντες Ἀγγέλους , quae habetur in Textu , hanc vim habet : *quidam nescientes Angelos hospitio receperunt* : quibus verbis & veterem Latinam Versionem hunc locum reddidisse noscimus ex Augustino , qui totidem verbis eundem pluries affert (L. 2. Trin. c. 2. cont. Maximin. L. 3. c. 26. , Civ. D. L. 16. c. 29. & quaest. 33. 34. & 41. in Genesim.) Paulus ergo tum ex Abraham , tum ex Lot , qui Angelos hospitio receperunt , hospitalitatem commendat .

Iam vero , & de Angelo , qui Mosi apparuit , aut in monte Horeb (Exod. 3.) , aut in monte Sina (ibid. 19. seq.) peculiariter demonstrari potest eum non fuisse Dei Filium , Divinae Personae . Stephanus enim Protomartyr (Act. 7.) per-

☞ (XVII.) ☞

perstringens, quae a Deo gesta erant sub Veteri Foedere de Mose ait. *Angelum Domini* ab eo visum fuisse in deserto in Monte Sina in flamma ignis rubi; ipsumque Mosem missum fuisse Principem, & Redemptorem in manu *Angeli*; qui visus est illi in rubo; eundemque fuisse in concione in deserto cum Angelo loquente ei in Monte Sina. Merus igitur Angelus Mosi apparuit.

Scio equidem plures, & Patrum, & Interpretum hic *Angeli* nomine intelligere *Angelum Foederis* (Malach. 3. 1.) ipsum scilicet Dei Filium. Quin Grotius (Adnot. Nov. Test. T. 1.) illud Stephani eiusdem (Act. 7. 51.) ἐλάβετε τὸν νόμον εἰς διατάγας Ἀγγέλων, quod Vulgatus Interpres vertit: *accepistis legem in dispositione Angelorum*, reddendum putat: *accepistis legem inter turmas Angelorum*: ita ut Deus ipse turmis Angelorum stipatus populo legem tulerit: Observat enim (Deut. 33. 2.) Deum venisse e myriadibus sanctitatis iuxta Hebraicum textum; eoque in sensu διαταγὴν adhiberi a LXX Interpretibus (Iud. 3. 21.), & ab Auctore, qui literis consignavit Machabaeorum Libros (lib. 1. c. 6. v. 35.). Atque hanc interpretationem Buddeus quoque sequutus est (Hist. Eccl. Vet. Test. T. 1.); Stephanusque le Moyne (Not. ad Var. Sacr.) cum locum & ipse reddidit: *inter ordines, & castra Angelorum*.

Sed ut verum fatear, quod Christus a Malachia dictus fuerit *Angelus Foederis*, non video sane, cur & Aetuum VII. *Angeli* nomine intelligere debeam *Increatum Angelum* non creatum. Quod siqui recentiorum contendunt εἰς διατάγας verti posse *inter turmas*, quod particula εἰς aliquando reddi possit *inter*: sit istud quidem; & εἰς iam amplius non fit in vel ad, sed *inter*. Verum nihil adhuc conficiunt. Diserte enim, & Paulus (Galat. 3. 19.) de lege Mosi data inquit: διατάγαις δι' Ἀγγέλων ἐν χειρὶ μεσίτου, *ordinata per Angelos in manu mediatoris*, quod declarat creatos tantum Angelos Dei administratos fuisse in Legis promulgatione; Deique Filium tunc per se loquutum non fuisse Mosi; & Stephanum *Angeli* nomine creatum Dei administrum innuere.

At aliam init viam Iacobus Ode (Comment. de Ang. sect. 10.) & ex denominatione *Angeli lebovab*; ex eius promissione multiplicandi seminis Hagar (Gen. 16. 10.): ex praescientia

D

fu-

futuri : ex cordium scrutatione (Ibid. 18. 13.) : ex iudicio scelerum hominum, scelerumque vindicta (Ibid. 18. & 19.) : tum vero ex quo ille *Angelus Iehovab* de se ipso dicat (Exod. 3. 14.) *Ego sum qui sum* ; ex petitione Moſis (Gen. 32. 13.) videndi faciem Dei, & ex ſimilibus aliis rationibus, perſuadere nititur, ſaepe ipſum Dei Filium apparuiſſe ſub Veteri Foedere.

Verum facile equidem intelligo, Angelum Divina legatione fungentem ea omnia peragere debere, tamquam Deus ipſe foret, ad quae gerenda miſſus eſt in miniſterium. Et quamvis omnes hae circumſtantiae aliquid conſicere videri poſſint ; apud me tamen vim prorſus amittunt, ſi cum corollario ex Pauli ratiocinatione comparentur.

V. Capite II. 10. inquit Paulus de Filio Dei : *ἔπρεπε γὰρ αὐτῷ, δι' ὃν τὰ πάντα, καὶ δι' οὗ τὰ πάντα, πολλοὺς υἱοὺς εἰς δόξαν ἀγαγόντα τὸν ἀρχηγὸν τῆς σωτηρίας αὐτῶν διὰ παθημάτων τελειῶται* . i. e. ex Verſione Vulgata : *decebat enim Eum propter quem omnia, & per quem omnia, qui multos filios in gloriam adduxerat Auctorem ſalutis eorum per paſſionem conſummare* . Ex his Pauli verbis illud mihi deducendum videtur, *Unionem Hypoſtaticam* Filii Dei contingere debuiſſe, quamvis manſiſſet prima humanae conditionis integritas. Hic enim Apoſtolus innuit decuiſſe, ut per paſſiones Auctor ſalutis hominum perficeretur Ille, *per quem omnia* non ſolum, ſed etiam *propter quem omnia* . Quemadmodum ergo rerum creatio *per Filium Dei* nullam rationem habet ad lapſi hominis reparationem ; ita neque univerſarum rerum productio *propter Ipſum* ullam ad idem rationem habet. Quamobrem ſi res e nihilo a Deo eduſtae ſunt *propter Filium ſuum*, intelligenda mihi ſeſe offert *Unio Hypoſtatica*, quamvis nullus interceſſiſſet innocentis hominis lapſus. Dum enim mecum ipſe reputo, Deum voluiſſe creari omnia *propter Filium ſuum* ; ſponte ſua illud etiam mihi venit in mentem, voluiſſe ipſum & infinitam ſui Nominis gloriam : At ex nuda rerum creatione nonniſi finita Divini Nominis extat gloria ; cum finiti creatarum rerum limites infinitam Deo gloriam producere nequeant ; inveſtigandus igitur mihi reſtat infinitae Dei gloriae fons. Sed ſi contempler *Unionem Hypoſtaticam* Divini Verbi *propter quod*
omnia

☪ (XIX.) ☪

omnia, fontem statim intueor, unde ex rerum creatione infinita ad Deum gloria dimanet: primum est igitur, ut intellecta universarum rerum productione *propter Dei Filium*, de Vnione quoque eiusdem Hypostatica mihi persuadeatur, quamvis nullae fuissent humani generis aegritudines, quibus medicinam adhibere oporteret.

Ex his illud etiam intelligo, cur Dei Filius magis, quam alius humanam assumpserit naturam. Sicut enim Deus per Filium fecit omnia; ita & per Filium voluit *σωματικῶς* coniungi creata Divinis.

Haec eadem mihi videre videor in verbis etiam Apostoli (Colos. i. 15.) ubi ait de eodem Dei Filio: *ὅς ἐστιν εἰκὼν τοῦ Θεοῦ τοῦ ἀοράτου πρωτότοκος πάσης τῆς κτίσεως • ὅτι ἐν αὐτῷ ἐκτίσθη τὰ πάντα . . . τὰ πάντα δι' αὐτοῦ, κα' εἰς αὐτὸν ἐκτίσται* i. e. vertente Vulgato Interprete: *Qui est imago Dei invisibilis, Primogenitus omnis creaturae: quoniam in ipso condita sunt universa . . . omnia per ipsum, & in ipso creata sunt*: ubi postrema verba: *in ipso creata sunt*, ex vi Textus significant *in ipsum creata sunt*, scilicet *propter Ipsum*. Istud porro esse *Primogenitum omnis creaturae; quoniam . . . omnia per Ipsum, & in Ipsum creata sunt*, mihi monstrat *Vnionem Hypostaticam* cogitandi ratione praecessisse rerum creationem.

Quamobrem quantum mihi istud commendat Boni Dei *φιλανθρωπίαν*, qui mihi donavit Redemptorem per sanguinem suum, eum Filium, cui praestituta erat eadem omnis Haereditas, quin aliquid solveret!

Atque haec cum & alii iamdiu senserunt; tum non nulli etiam recenti memoria, rem eandem inferre conati sunt, ex ratione OPTIMI. At mihi *Optimismus* verbum est nihili: sicut enim *verius*, & *verissimum* inania sunt verba, cum veritas gradus non habeat; ita dum loquimur de bonitate finiti effectus, qui productus est a causa infinita, eumque ad istam referimus, vocabula *melius* & *optimum* sono quidem differre, ipsa tamen re pro BONO dicta censi debent. Quamvis enim diversos finitos effectus eiusdem ordinis ab infinita causa productos, si inter se comparantur, bonitatis gradibus discrepare iudicaverimus; ad infinitam tamen, quae eos produxit, causam eandem rationem habere noscuntur.

Qua-

Quare si *Mundi melioris*, & *optimi* vocabula proferre luceat, noverimus nos nihil amplius dicere, quam *Mundum bonum*; quemadmodum reapse opera Dei in Sacris Eloquentiis *BONA* dicta sunt (Gen. 1. pluries, & Eccli. 39. 39.); & quemadmodum Apostolus (2. Tim. 4. 4.) dixit πάν κτίσμα θεοῦ καλόν, *omnis creatura Dei bona est*, ut legimus in Vulgato Interprete; *nec est dicere: hoc illo nequius est* (Eccli. 39. 40.), καὶ οὐκ ἔστι εἰπεῖν, τοῦτο τοῦτου πονηρότερον. Et quamvis *omne quod fecit Deus* (Gen. 1. 31.) dicatur טוב כבוד, *bonum valde*; similique hebraica phrasi (Eccli. 39. 21.) τὰ ἔργα Κυρίου πάντα καλὰ σφόδρα, *opera Domini universa bona valde*; adverbium tamen *VALDE intensivum* est, non *comparativum*.

Verum quidem est a causa absolute infinita, seu infinitis infinita diversos effectuum ordines produci posse eius inter se rationis, ut unus ordo praecedenti infinitis melior sit; ac propterea fateor *ordinem gratiae*, ut inquit, infinitis distare ab *ordine naturali*; tantum enim abesse arbitror a nihilo creationem rerum; quantum ordinem gratiae a creatis rebus. Si igitur *Optimistae* suppositis ordinibus infinitis melioribus semper, quam praecedens sit, se *Optimismi* nomine Bonitatem absolute infinitam intelligere dicant; tunc sane aliis vocibus incident in gloriam illam absolute infinitam ex Unione Hypostatica Filii Dei ortam, & nulla inter nos erit contentio; cum vocis litem indicare sit multo ineptissimum.

Sat multis hac de re adnotatis aliud quidpiam observandum mihi restat in propositis Apostoli verbis. Animadverto igitur ad eundem hunc locum provocare posse & nuperos illos Theologos, qui dicunt Hominum Iustorum animas etiam ante Christum, Deum in patria vidisse. Cum enim πολλοὺς υἱοὺς εἰς δόξαν ἀγαγόντα Vulgatus Interpres transfulerit, *qui multos filios in gloriam adduxerat*, idcirco aliquis contendere poterit, inde inferri posse plures Iustos ante Christum, ob futura ipsius merita coelestis gloriae possessionem adeptos esse, quae bonis eorum operibus deberetur.

Ad illationem hanc plane avertendam unum illud observo ex Bibliis N. T. certum esse, ante Christum neminem, quantumvis pium & sanctum, & a culpis poenave so-

solutum in Coelum ascendisse ; adeoque Deum vidisse : Si-
quidem Ioannes Praecursor , Christum monstraturus ita ho-
mines alloqui incipit : *appropinquavit Regnum Coelorum* ,
(Matth. 3. 2.) . Simili ratione Christus Evangelii sui initium
capiens exorditur : *appropinquavit Regnum Coelorum* (Mat. 4.
17. Mar. 1. 15.) ; rursusque mittens Apostolos Evangelii sui
praecones , eisdem iniungit : *praedicate dicentes , quia ap-
propinquavit Regnum Coelorum* (Matth. 10. 7. Luc. 10. 9. & 11.)
Si igitur tunc demum *appropinquavit regnum coelorum* ; pro-
fecto antea longe aberat , nec ullus adhuc in illud ascende-
rat , ut aeternum Dei visione frui inciperet .

Hoc idem demonstratur ex Petri alloquutione ad He-
bracos (Act. 2. 34.) ubi inquit : *non enim David ascendit
in Coelum ; dixit autem ipse : Dixit Dominus Domino meo ,
sede a dextris meis &c.* Petri scopus est ostendere , Davidem
iis verbis vaticinatum esse de Christo : id autem ut ostendat ,
contentus est dicere , Davidem in Coelum non ascendisse ,
quod , ut apparet , necessario supponit , ab omnibus Iudaeis
veluti certam traditionem admissum fuisse , Coelum ad Mes-
siam usque clausum omnibus mansisse : id enim nisi suppo-
nerent verba Petri , respondere Iudaicus populus potuisset ,
a Davide pronuntiatum fuisse : *dixit Dominus Domino meo* ,
de Abraham , de Isaac , de Iacob &c. non de Christo ;
adeoque ipsum inania loqui : quod & nunc dici posset , si quis
ante Christum ad perpetuam Dei visionem pervenisset .

Quamobrem cum nullus ante Christum in Coelum a-
scenderit , dicendum plane vel in proposito Pauli loco *ἀγαγόντα*
sumendum esse ut participium praesentis temporis *adducentem* ;
vel si de tempore praeterito cum Vulgato Interprete vertatur ,
gloria ea intelligenda non est , quae perfectam , aeternamque
constituat Iustorum beatitatem , scilicet ob Dei visionem .

VI. Scribit Paulus Capite VI. *ἐπὶ τὴν τελειότητα φερόμε-
θα , μὴ πάλιν θεμέλιον καταβαλλόμενοι , μετανόιας ἀπὸ νεκρῶν ἔργων
..... ἐπὶ θέσει τῶν χειρῶν . κ. λ. ι. ε.* iuxta Vulgatam Ver-
sionem : *ad perfectiora feramur , non rursus iacentes funda-
mentum poenitentiae ab operibus mortuis impositionis
quoque manum &c.* Manifestum est Apostolum hic prae-
termittere velle ea , quae pertinent ad prima Christianae

Fidei rudimenta ; ac propterea *impositione manuum* , communiter intelligi solet *Sacramentum Confirmationis* . At si quis velit ibi indicatam *Sacram* quoque *Ordinationem* ; is neque a Pauli mente , neque a reliquis Novi Testamenti dicendi rationibus aliena sentiet : utrumque enim in Novo Testamento iis verbis innuitur ; & ad Fidei rudimenta pertinet.

Verum quidem est , dictionem *impositionis manuum* ad indicandum tantummodo alterutrum ex his duobus non semper adhiberi in Libris Novi Foederis : nam ut omittam impositas fuisse manus ad aegritudines levandas , aliaque huiusmodi ; illud tantum advertam videri mihi *impositionem manuum* adhibitam quoque fuisse ad Christiana quaedam officia . Etenim (Act. 13.) existentibus Paulo , & Barnaba Antiochiae iussit Spiritus Sanctus eosdem segregari ad opus , ad quod eos advocaverat : Quamobrem discipuli , qui Antiochiae erant , tunc ieiunantes , & orantes , imponentesque eis manus dimiserunt illos : Haec porro manuum impositio esse non potest nisi Christianum quoddam officium , quamvis nonnulli ibi descriptam censeant Pauli , & Barnabae *Sacram Ordinationem* . Paulus siquidem a Domino Apostolus constitutus est , ac Damasci per Ananiam Ordinatus , & *Incardinatus* . Quamobrem ibi statim obit munus Apostoli (Act. 9. 10.) ; sumque proficiscitur in Arabiam , revertiturque Damascum , ac tantummodo post annos tres venit Ierololymam videre Petrum , praeter quem nullum alium Apostolorum ibi vidit , nisi Iacobum Fratrem Domini (Gal. 1. 17. & seqq.) . Ob id itaque gloriatur Paulus se esse Apostolum non ab hominibus , neque per hominem , sed per Iesum Christum (ibid. 1. 1.) . Si ergo Paulus multo antea , quam Antiochiam venisset , *incardinatus* fuerat Apostolus , evidens est Antiochenos Paulo & Barnabae non imposuisse manus , nisi ob Christianum quoddam officium .

Similiter Lucas (1. Cor. 8. 19.) dicitur a Paulo , χειροτονηθεὶς ὑπὸ τῶν Ἐκκλησιῶν συνέκδημος ἡμῶν , *ordinatus ab Ecclesiis comes peregrinationis nostrae* , ut legitur apud Vulgatum Interpetem : hic autem χειροτονηθεὶς de sacra manuum *impositione* intelligi non posse per se patet , cum idem a pluribus Ecclesiis *sacra ordinatione* inaugurari non posset . Intel-

li-

(XXIII.)

ligendum est ergo Lucam ab Ecclesiis approbatum fuisse, ut comitaretur Paulum, idque confirmatum esse per ceremonialem manuum impositionem. Videtur hic ritus, non secus atque alii plures Christianorum, ex Hebraeis derivatus, qui consueverunt aliquem muneri cuiuspiam addicere manuum impositione, ut observavit Seldenus (de Synedr. Lib. 1. cap. 14.) : Quamquam autem haec omnia veluti indubia admittantur; certum tamen est, Apostolum has *manuum impositiones* hoc in loco non respicere, quippe quae longius a Fidei rudimentis abesse noscantur.

VII. Capite X. 5. Apostolus ex Persona Christi haec profert : ὁσπίαν, καὶ προσφοράν οὐκ ἠθέλησας, σῶμα δὲ κατηρτίσω μοι. i. e. *hospitium & oblationem noluisti, corpus autem perfecisti mihi*. Notum est ea verba desumpta esse ex Versione LXX Interpretum (Pl. 39.6), qui ita verterunt hunc versiculum Psalmi Hebraeis XL. וְכִי וּמִנְחָה לֹא חָפְצָה אָזְנוֹתַי לִי. i. e. *et litteram: Sacrificium & oblationem noluisti, aures fodisti mihi*. Quamquam autem satendum sit, hanc LXX Interpretum expositionem, qua Divus Paulus usus est, alienam non esse a sensu vaticinii Psalmistae; nonnulli tamen Critici Viri conati sunt, vel litteram Graecam cum Hebraica componere. Itaque Isaac Vossius suspicatus est, vel Hebraicam vocem אָזְנוֹתַי *oxnaim* non tantum aures, sed etiam corpus significare posse; vel locum a Iudaeis corruptum fuisse. Sed neutra coniectura ullos naeta est sectatores.

Vlserius vero (de edit. LXX. Int. pag. 85.) coniicit Hieronymi aetate in Graeca Versione extitisse : ὡς τὰ δὲ κατηρτίσω μοι, quod Hieronymus idem in suis Bibliis ad Graecorum Codicum fidem correctis ediderit : *Aures autem perfecisti mihi*, nullum hic adnotantibus discrimen Graecam inter & Hieronymi editionem Sunia, & Frerela, cum longe minores differentias animadverterint. Addit Eusebium Caesariensem (Comm. in Pl.) interpretatum fuisse: *Aures meas, & eloquiorum suorum obedientiam perfecisti mihi*. Atque ex his colligit veteres Graecos Codices LXX Interpretum habuisse ὡς τὰ, non σῶμα.

Lambertus Bos quoque in Prolegomenis ad suam Editionem LXX Interpretum, eandem coniecturam confirmare nititur, persequendo viam, quae Amannensem in errorem ducere

cere potuerit . Observat itaque baud raro antiquis in Codicibus , ubi deerant vovum intervalla , litteram σίγμα etiam in fine vocis contra ius bis scriptam fuisse . Sic (Eccles. 10. 15.) in Codice Alexandrino legitur ΜΟΧΘΟCΤΟΤΑΦΡΟΝΟCΚΟΤΟΝΕΙ ΑΥΤΟΝ , ubi irrepsit σκοτώτει , pro κοτώτει , ob eam litteram repetitam in fine vocis τοῦ ἄφρωνος : Et in Codice *Marchali* (Esai. 40. 3.) habetur ετοιμάσχετε τὴν ὁδὸν Κυρίου ΔΙΑΤΗC CABBATΟΥ pro ΔΙΑ ΤΗC ΑΒΑΤΟΥ : Et apud Iulianum (Ep. ad Athen) ἐπὶ τὰς σκοτίας ἄλπει , pro ἐπὶ τὰς κοττάς ἄλπει . Ex his itaque conicit Bos & in proposito Psalmi loco , initio Amanuensis oscitantia irrepsisse ΗΘΕΛΗCACCΩΤΙΑ , indeque ab alio Amanuensi correctum ΗΘΕΛΗCACCΩΜΑ , atque hanc scribendi rationem demum invaluisse .

Verum quoad Vsserium , is nimium tuto supponit Divum Hieronymum Latinos Psalmos edidisse iuxta Versionem LXX Interpretum . Immo enim ex eius Praefatione in Psalmos ad Sophronium apparet , eiusdem Psalterium editum esse iuxta Hebraicum textum . Eusebius Caesarensis pariter Hebraicos adiit fontes : & adiutor fuit Pamphilo Martyri in supplenda editione LXX Interpretum ex Origenis Hexaplis in usum Ecclesiarum Palaestinae ; unde & *Editio Palaestina* nominata est , & omnium plausu recepta , ut novimus ex Hieronymo (Praef. in Paralip. ad Chremat.) . Quamobrem Suidas ait Eusebium τῆς θείας βιβλιοθήκης ἅμα Παμφίλῳ τῷ Μάρτυρι ἐπιμελίστατον ἀνιχνευτὴν Divinae Bibliothecae una cum Pamphilo Martyre diligentissimum investigatorem . Et Hieronymus (Praef. in Ios. & Apol. 1. adv. Ruf.) observat , Eusebium in explicandis Scripturis consuevisse , cunctas editiones similiter edisserere . Quin Eusebius ipse , ne multa afferam (Comment. in Psalm. in Catena. ad Ps. 113.) ut statueret postremos versus ad eundem Psalmum pertinere , non ad sequentem , iuxta exemplar quod in manibus habebat , Hebraicum Psalterium adiit , & scripsit : ἐπειδὴ δὲ ἐγκύβας αὐτῇ τῇ ἑβραίων βίβλῳ τοὺς αὐτῶν χαρακτῆρας συνημμένους εὗρον , καὶ τὰς λέξεις , ἐπέσχεα καλῶς ἀκολουθεῖν τῇ ἑβραίων βίβλῳ . Postea vero cum Hebraicorum Librum inspiciens eorum characteres simul & dictiones coniunctas esse repperim , censui rite sequendum esse Codicem Hebraicorum .

Quoad coniecturas vero Lamberti Bos , mihi videtur

non

non omnibus persuasum fore de illo Amanuensium lapsu. Nam Alexandrinus, & Vaticanus Codices, qui omnium vetustissimi extant, & in plurimis discrepant, hic ambo habent *σῶμα*; similique ratione reliqui omnes Graeci Psalmorum Codices: omnia pariter Graeca exemplaria Novi Testamenti in Epistola ad Hebraeos totidem litteris locum describunt. Quis igitur sibi persuadeat tot Amanuenses, tam diversarum regionum atque aetatum in utroque Divini Eloquii Libro in eundem lapsum incidisse? Praetereo Apostolum (ibid. v. 10.) videri arguere ex versione LXX Interpretum, ut nunc legimus, dum inquit: *ἐν ᾧ θελήματι ἡγιασμένοι ἐσμεν διὰ τῆς προσφορᾶς τοῦ σώματος τοῦ Ἰησοῦ Χριστοῦ ἑφάπαξ* i. e. *in qua voluntate sanctificati sumus per oblationem corporis Iesu Christi semel*; video enim, qui haec declinandi animum habeat, cum aliis rationibus circumcludi non posse.

Neque haec equidem dicere audeo, quod illud coniecturae genus cum plurimis flocci faciam: immo enim Lambertum Bos ingeniosissime coniecisse arbitror, licet de hac eius coniectura persuasum mihi non sit; & vere sentio eiusmodi tentamina commendationis laude digna esse, cum persaepe accadat, ut obscurissimis locis perspicuam lucem afferant. Sic felici prorsus omine Ioannes Millius in Prolegomenis ad suam editionem Novi Testamenti (num. 616.) perobscurum apud Tertullianum locum hac ratione illustravit: Scilicet Tertullianus illud Pauli (Hebr. 6. 4. & seqq.) ex nescio qua versione sic attulerat: *Impossibile est eos, qui... verbum Dei dulce gustaverunt, OCCIDENTE IAM AEO, cum exciderint, rursus renovari in poenitentiam*. Millius ergo nihil absurdius esse posse verbis *occidente iam aeo* perspicuens scite coniicit Auctorem illius versionis incidere debuisse in Graecum exemplar, in quo quaedam litterae non apparerent, & pro ΔΥΝΑΜΕΙΣ ΤΕ ΜΕΛΛΟΝΤΟΣ ΑΙΩΝΟΣ *virtutesque venturi seculi* apparuisse tantum ΔΥΝΑΙ ΣΤΕ ΜΕΛΛΟΝΤΟΣ ΑΙΩΝΟΣ, quod cum vitiosum videret Interpres, vertit non secus ac, si Paulus scripssisset *δύναμις ἐστὶ μέλλοντος αἰῶνος*. Eandem inivit viam humanitatis suae gratia Vir Clarissimus, Dominus Mercier Canonicus Regularis, Parisiis-

que Praefectus Bibliothecae Sanctae Genovefae, (Memoires pour l'Histoire des Sciences, commencés d'être imprimés l'an. 1701. à Trevoux, Octobre 1765. Vol. II. pag. 1051.) , ut mecum componeret Franciscum Jacquier. Siquidem cum anno 1764. demonstrassem Didymo Coeco reddendos esse Tres Libros de Trinitate tunc detectos, ipse Jacquier (in Ephemeride Litteraria Europae, Mensis Augusti Num. V.) statim meam sententiam ἀναγνώσκων in suspicionem adduxit ob tres dicendi rationes, quae ipsi videbantur abesse admodum ab illius Didymi aetate, & magis coevae Petro Lombardo. Duarum itaque phrasium ex iis quae ipse in iudicium vocaverat exempla ex Cyrillo Alexandrino, aliisque illorum temporum Scriptoribus ei obtuli in meo *Addisamento* Septembri ineunte edito : quoad tertiam vero dicendi rationem, rei quidem vetustatem ostendi, sed voces apud Scriptores Ecclesiasticos eius aetatis nondum repereram. Is ergo an. 1765. Mense Februar. suo nomine scripsit ad Auctores illius *Ephemeridis*, & crambem recoquens inquit „ on ne peut nier „ que le mot ἀμύγετες (sic) ne soit très usité dans les Anciens „ Auteurs. Mais ne pourroit-on pas demander, si ce mot „ convient à l'Être Suprême, & s'il lui a jamais été appliqué ? il signifie proprement *perissete*, sans grandeur, „ ces significations sont indignes de l'Immensité Divine. „ Quant aux mots ἀνείδος, ἀνεβελυσία, il faut convenir, qu'ils „ se trouvent, &c. „ Quamobrem hanc Epistolam cum legissem, & vocem ἀμύγετες eo sensu adhibitam investigavi, reperique scriptum a Divo Cyrillo Alexandrino (Cap. I. adv. Antropomorph. Opp. Tom. VI.) ἔστι τὸ Θεῖον ἀτόματον, ἄποσόν τε, καὶ ἀμύγετες, καὶ οὐκ ἐν εἶδει περιγράφτῳ. *Divinitas est expers corporis, quantitatatis & magnitudinis, neque forma circumscripta continetur* ; atque hunc locum cum Domino Mercier communicavi, qui (loc. cit.) perhumaniter edidit, & cum eo ingeniose conciliare studuit eum, qui contraria sentire se videri volebat inquiring : „ Il suffiroit de coniecturer, que tant dans S. Cyrille, que dans l'Ouvrage sur „ la Trinité le mot ἀμύγετες est une faute de Copiste au lieu „ d'ἀμύγετον, *expers mensurae*, qui va tres-bien avec ἄποσόν ; *expers quantitatatis*, employé par S. Cyrille. Il est „ aisé de concevoir, qu'une mauvaile ligature du T avec „ le

ⲙⲙ (XXVII.) ⲙⲙ

„ le P dans ἀμέτρητον a pu être prise pour un γ , ce qui
 „ aura produit ἀμέγητον , mot défiguré , que quelque Copi-
 „ ste postérieur aura prétendu corriger depuis en écrivant
 „ ἀμέγεθες . Cela supposé ce dernier mot sera aussi déplacé
 „ dans S. Cyrille que dans les Livres de la Trinité ; mais
 „ aussi n'en pourra-t-on rien conclurre contre le P. Minga-
 „ relli . „ Haec Vir Cl. qui & sapienter admodum rem ver-
 savit, & Divi Cyrilli verba pro me edidit; quam ob rem in
 haec digressus sum, ut publice ei gratias agerem: neque
 enim aequum erat, ut eorum tantummodo gratia verborum
 Francisco Jacquier ulla ratione responderem, quippe qui aliud
 nihil praeterea in me regesserit quam maledicta: quare si
 vicem rependere voluissem, duo maledici effemus, ut Hie-
 ronymi verbis utar (contra Ruf.) : Mea vero sententia est,
 deferendas plane esse litterarias lites, cum novi nihil habemus,
 quod cum Litteratis Viris communicemus: cetera enim eru-
 ditōrum hominū honesto iudicio permittenda sunt .

Quamquam vero (iam enim in haec incidi) confido
 Cl. Dominum Mercier nunc mecum consensurum retinen-
 dam esse vocem ἀμεγέθης . Etenim idem Cyrillus (Lib. I. in
 cap. III. Ioan.) similiter inquit : ἀμεγέθης, ἄποσός τε, καὶ ἀνώ-
 ματος ἢ Θεῶα νοεῖται, καὶ ἔστι φύσις . Magnitudinis, & quan-
 titatis, & corporis expers intelligitur, & est Divina Natura .
 Difficile enim ipsi nobis persuadere poterimus, omnia haec
 loca eadem ratione ab omnibus Amabuentibus corrupta fuisse .
 Quare iure nunc exigere posse mihi videor a Jacquier,
 ut & phrasim ἀμέγεθες de Deo usurpatam fateatur ; & repu-
 diet ineptam suam eius vocis interpretationem perisse .

VIII. Capite XIII. 7. inquit Apostolus : μνημονεύετε τῶν
 ἡγουμένων ὑμῶν, οἱ τινες ἐλάλησαν ὑμῖν τὸν λόγον τοῦ Θεοῦ, ὡς
 ἀναθεωροῦντες τὴν ἑκβασιὴν τῆς ἀναστροφῆς; μιμεῖσθε τὴν πίστιν...
 παύσθε τοῖς ἡγουμένοις ὑμῶν, καὶ ὑπείκετε αὐτοῖς γὰρ ἀγγελοῦσιν
 ὑπὲρ τῶν ψυχῶν ὑμῶν ὡς λόγον ἀποδώτοντες... ἀπατάσθε πάντας
 τὸ ὅς ἡγουμένους ὑμῶν . i. e. ex Vulgato Interprete: mementote
 Praepositorum vestrorum, qui loquuti sunt vobis verbum Dei,
 quorum intuentes exitum conversationis imitamini fidem
 (v. 17.) obedite Praepositis vestris, & subiaccete eis: ipsi
 enim pervigilant quasi rationem pro animabus vestris reddi-
 turi

sur

ἐνρί . . . (v. 24.) *salutate omnes Praepositos vestros*. Notissima res est Presbyterianos Episcopis nil aliud concedere supra reliquos Presbyteros nisi πρωτοκλήσις, & πρωτοκλησίας, *primogeniturae* dixerim, & *praeuocationis* praerogativam. Hi utique Haeretici non solum ab Orthodoxis Doctoribus, sed & ab Heterodoxis ita in arctum desilire compulsi sunt, ut pedem inde referre nunquam potuerint. Verumtamen existimo eosdem Haereticos arctius adhuc concludi, si in eos intorqueatur ratio ἡγούμενου. Certum est enim in Libris Novi Testamenti ἡγούμενον, aut ἡγεμόνα veram potestatem, & iurisdictionem significare. Sic Christus (Luc. 22. 26.) inquit: γενέσθω . . . ὁ ἡγούμενος ὡς ὁ διακονῶν i.e. *qui Praecessor est, fiat sicut ministrator*: hic autem evidens est ἡγούμενον, *Praecessorem* redditum a Latino Interprete iubentis notionem adnexam habere, cum *ministranti* opponatur. Eadem res per se patet ex Actibus Apostolorum. Etenim (Cap. 7. 10.) de Ioseph filio Iacob dicitur: κατέστησεν αὐτὸν ἡγούμενον ἐπὶ αἰγυπτῶν καὶ ὅλον τὸν οἶκον αὐτοῦ *constituit eum (Pharaos) praepositum super Aegyptum, & super omnem domum suam*. Et (Cap. 14. 11.) cum Lystris Paulus comite Barnaba sanasset claudum ex utero matris, populus extulit vocem dicens: οἱ θεοὶ ὁμοιωθέντες ἀνθρώποις κατέβησαν πρὸς ἡμᾶς • ἐκάλουν τε τὸν μὲν Βαρνάβαν Δία, τὸν δὲ Παῦλον Ἑρμῆν, ἐπεὶ δὲ αὐτοὶ ἦν ὁ ἡγούμενος τοῦ λόγου: *Dii similes facti hominibus descenderunt ad nos: & vocabant Barnabam Iovem, Paulum vero Mercurium; quoniam ipse erat dux verbi*. Quis non videat his in locis ἡγούμενον auctoritatem, & iurisdictionem innuere? Quamvis enim altero in Textu ἡγούμενον quis referre velit ad Paulum, non ad Mercurium: evidens tamen est Paulum potestate & iurisdictione praecelluisse Barnabae non πρωτοκλήσις tantum & πρωτοκλησίας.

Fateor equidem Presbyterianos conatos esse seipsos tueri quorundam Patrum auctoritatibus. At licet Orthodoxi Theologi eorum conatus irritos fecerint; blandior tamen ipse mihi si Deus dederit, ut observationes meas hac de re, quae Spicilegii limites excedunt, aliquando in lucem emittam, omnia plane perspicua futura esse.

PRO-

PROPOSITIONES SELECTAE

AD EPISTOLAM AD HEBRAEOS

CONTRA QVAS SINGVLI POST PRIMVM DICERE POSSVNT.



- I. Epistola ad Hebraeos Auctorem habet Paulum Apostolum .
- II. Graece autem ab ipso scripta fuit .
- III. Haec Epistola Divinae Auctoritatis est .
Ad Cap. I. 3.
- IV. Concilium Nicaenum I. *hypostasim* pro *essentia*, & *substantia* usurpavit .
- V. Divus Athanasius vero *hypostasim* adhibuit, tum hoc in sensu Nicaenorum Patrum, tum pro *Essentia* Divina, quatenus est, aut Pater generans; aut Filius, qui gignitur; aut Spiritus Sanctus, qui spiratus est .
- VI. In Epistola Aarii ad Alexandrum Alexandrinum Episcopum haec verba: ὡς τὸ τρεῖς εἶναι ὑποστάσεις, vertenda censemus iuxta hunc sensum: *quasi tres sint substantiae*; non: *Quamobrem tres sunt substantiae*. Insuperque censemus haec verba: Πάτερ, Υἱός, καὶ Ἅγιον Πνεῦμα; *Pater, Filius, & Spiritus Sanctus*, quae iis statim adiecta sunt, tum apud Epiphanium, tum apud Hilarium Aarii non esse, sed ab alio inserta .
- VII. Licet Conciliorum, & Patrum alii *hypostasim* sumpserint in sensu Nicaenorum Patrum; alii vero in altero Athanasii sensu; in doctrinam tamen Ecclesiasticam nulla contradictio, aut repugnantia injecta est .

VIII. Paulus vero dum hic inquit de Filio Dei :

ὅς ἐν παύσῳ τῆς δόξης , καὶ χαρακτὴρ τῆς ὑποστάσεως αὐτοῦ : hoc est : *qui cum sit splendor gloriae , & figura substantiae eius* , monstrat Filii Divinitatem , & Consubstantialitatem cum Patre , utrovis in sensu intelligatur *hypothesis* .

IX. Iacobus Capellius temere , & inscite vellicavit Vulgatum Interpretem , quod hic *hypothesin* verterit *substantiam* .

Ad Cap. I. 14.

X. Ex omnium Coelestium Spirituum Ordinibus aliquos a Deo mitti in ministerium censemus .

Ad Cap. II. 2.

XI. Angelum , qui missus est ad Hagar (Gen. 16.) fuisse merum Angelum asserimus .

XII. Tres illi Viri , qui visi sunt Abrahae (Gen. 18.) non fuere Tres Trinitatis Personae .

XIII. Neque Dei Filius duobus Angelis stipatus .

XIV. Similiter duo illi Viri , qui (Gen. 19.) venerunt ad Lot , erant tantummodo Angeli creati .

XV. Cum tamen *Dominus pluit super Sodomam , & Gomorrhani sulfur & ignem a Domino* (Gen. 19. 24.) , contendimus declarari distinctionem Personarum in Deo .

XVI. Angelus ; qui Mosi apparuit in monte Horeb , non erat Deus , vel Dei Filius , qui per se Mosen alloqueretur , sed ipsum allocutus est meri Angeli ministerio .

XVII. Pariter in monte Sina Lex Populo data est a Deo per Angelos , non per se ipsum , aut per Filium suum sensibili specie indutum .

Ad

(XXXI.)

Ad Cap. II. 10.

XVIII. Unionem Hypostaticam Filii Dei futuram fuisse censemus, conservata etiam ab homine primae conditionis integritate.

XIX. Id tamen non asserimus ex ratione Optimi, quam in agendo sequatur Deus; hanc enim prorsus respuimus.

XX. Cum e Sacris Novi Foederis Libris certum sit, Neminem Piorum Hominum ante Christum eam beatitatem adeptum esse, quae sita est in Dei visione; idcirco asserimus, hunc Apostoli locum favere non posse iis, qui dicunt, Hominum Iustorum Animas, quibus luendum nihil erat, ante Christum ad aeternam Dei visionem pervenisse.

Ad Cap. VI. 2.

XXI. Quamvis Paulus *impositione manuum* hic innuere censeatur Sacramentum Confirmationis: aliena tamen a mente Apostoli non dicet, qui statuatur ibi eum innuere & *Sacram Ordinationem*.

XXII. Censemus tamen impositionem illam manuum, quae facta est Antiochiae super Paulum, & Silam (Act. 13. 3.) non fuisse Sacram Ordinationem, sed merum Christianae benevolentiae, & dimissionis officium.

XXIII. Pro certo enim habemus Paulum a Domino constitutum fuisse Apostolum, dum is Damascus proficisceretur: promulgatum autem per Ananiam; & ab hoc *incardinatum* Damasci.

Ad Cap. X. 5.

XXIV. Eadem est vis, siue legamus cum Hebraeis (Psal. 40. 7.) *aures fodisti mihi*: siue cum

LXX Interpretibus, & cum Divo Paulo σῶμα
δε κατηρίσσω μοι : *corpus autem aptasti mihi.*

XXV. In Codicibus LXX Interpretum Amanuensis vitio eo in loco Psalms irrepsisse σῶμα pro ὥρα ingeniosa quidem coniectura est; sed verisimilitudinem non habere censemus.

Ad Cap. XIII. 7. 17. & 24.

XXVI. Et ex voce ἡγουμένων, qua Paulus indicat *Præpositos* Ecclesiarum, demonstratur Episcopos Divino iure Presbyteris superiores esse: quamvis Divus Hieronymus in Caput I. ad Titum hinc deduxerit olim eosdem fuisse Presbyteros atque Episcopos.

XXVII. Quoniam vero incidimus in sermonem de Divi Hieronymi sententia circa Episcopos & Presbyteros, dicimus eiusdem sive scribentis Epistolam Cl. ad Euangelum, olim LXXXV. ad Euagrium; sive edifferentis Caput I. Epistolæ ad Titum: eius, inquam, mentem fuisse Episcopos a Presbyteris *Sacramento Ordinis* non differre; sed tantum auctoritate, potestate, & iurisdictione, ex Divino utique iure profecta. Neque alia ratione quaecumque ibi Sanctus Doctor hac de re scripsit, prorsus explanari possunt.

XXVIII. Eandem quoque censemus fuisse mentem Auctoris Commentarii in Epistolam ad Ephesios, qui habetur inter Opera Ambrosii.

XXIX. Similique mente plurima Augustini, Ioannis Chrysostomi, & Theodoretii loca scripta fuisse intelliguntur.

XXX. Quare si quis & nunc eadem senserit, is neque revinci, neque iure poterit reprehendi.

